

Tsev Hauj Lwm ntawm Tus Tswv Xeev Xeev Oregon



DAIM NTAWV TSHAJ TAWM KOM UA RAW S TUS NAB NPAWB. 20-09

KEV NCUA KEV QHIA NTAWV TIM NTSEJ TIM MUAG RAU NTAWV COV CHAW KAWM NTAWV QEB SIAB TXHAWM RAU TIV THAIV KEV SIB KIS NTAWV TUS KAB MOB CORONAVIRUS (COVID-19)

Thaum lub Peb Hlis Ntuj 8, 2020, Kuv twb tshaj tawm txog qhov xwm txheej kub ntxhov ceev raws li txoj cai ORS 401.165 *et seq.* lawm vim muaj kev txaus ntshai txog kev noj qab haus huv rau pej xeev sawd daws los ntawm tus kab mob sib kis novel coronavirus (COVID-19)

Thaum lub Peb Hlis Ntuj 11, 2020, Lub koom haum World Health Organization tau tshaj tawm tias tus kab mob COVID-19 yog ib tug kab mob sib kis hauv lub ntiaj teb.

Thaum lub Peb Hlis Ntuj 12, 2020, Kuv tau hais kom kav tsij kaw txhua lub tsev kawm ntawv thooob plaws hauv lub xeev mus li qub, txij thaum lub Peb Hlis Ntuj 16, 2020, mus txog rau lub Peb Hlis Ntuj 31, 2020, tihiaj li yuav pab tiv thaiv kev sib kis tus kab mob COVID-19 rau hauv cov zej zos nyob thooob plaws hauv lub xeev tau.

Thaum lub Peb Hlis Ntuj 13, 2020, Tus Thawj Kav Teb Chaws Mes Kas tau tshaj tawm txog kev sib kis ntawm tus kab mob COVID-19 yog ib qho xwm txheej kub ntxhov ceev rau hauv lub teb chaws lawm.

Thaum lub Peb Hlis Ntuj 16, 2020, Lub Tsev Hauj Lwm Saib Xyuas Tib Neeg (Department of Human Services) tau tsim cov cai tiv thaiv tshiab txhawm rau kev txwv cov neeg tuaj saib hauv cov chaw saib xyuas mob nkeeg mus ntev thiab lwm cov chaw nyob. Lub chaw Oregon Health Authority tau coj cov cai zoo sib xws no los siv rau ntawm Oregon State Hospital thiab lwm cov chaw saib xyuas mob nkeeg, thiab tau txwv tsis pub nkag mus rau hauv Oregon State Hospital. Cov Chaw Kaw Neeg Hauv Oregon (Oregon Department of Corrections) yeej tau ccua tsis pub txhua tus neeg tuaj saib nkag mus tau rau hauv cov tsev kaw neeg hauv lub xeev lawm.

Thaum lub Peb Hlis Ntuj 17, 2020, Kuv tau sau Daim Ntawv Tshaj Tawm Kom Ua Raw S Tus Nab Npawb 20-08, kom kaw cov tsev kawm ntawv ntawm tsoom fww mus ntxiv kom txog rau thaum lub Plaub Hlis Ntuj 28, 2020.

Tus kab mob COVID-19 ua rau muaj tus kab mob ua pa nyuaj cuam tshuam ua rau muaj mob loj los sis tuag tau. Tus kab mob COVID-19 sib kis los ntawm ib tug neeg rau ib tug neeg thaum hnoos, txham, nyob sib ze, xws li chwv ib yam khoom uas muaj tus kab mob vais lav tsuas rau, thiab dhau ntawd ces chwv mus rau koj lub qhov ncauj, qhov ntswg, los sis qhov muag.

Tsev Hauj Lwm ntawm Tus Tswv Xeev Xeev Oregon



DAIM NTAWV TSHAJ TAWM KOM UA RAW S TUS NAB NPAWB. 20-09 NPLOOJ NTAWV OB

Cov kws saib xyuas kev noj qab haus huv rau pej xeev ntawm lub xeev thiab hauv ib cheeb tsam qhia tias tus kab mob vais lav no tab tom sib kis rau hauv lub zos thiab xav tias yuav muaj neeg sib kis tus mob ntau ntxiv. United States Centers for Disease Control and Prevention (CDC) hais qhia tias tus kab mob COVID-19 feem ntau yog sib kis rau thaum ib tug neeg muaj mob, tab sis kuj sib kis tau ua ntej yuav pom tshwm sim cov yeeb yam mob. CDC muab lus qhuab qhia txog cov cai tiv thaiv kev sib kis ntawm tus kab mob rau hauv lub zos, suav txog kev txwv tsis txhob mus rau ntawm cov koob tsheej thiab tej chaw uas yuav muaj neeg tuaj sib ntsib coob.

Tseem kuaj pom los sis raug lees tias muaj cov neeg kis tus kab mob COVID-19 ntau zuj zus ntxiv rau hauv Oregon. Thaum lub Peb Hlis Ntuj 8, 2020, rau thaum lub sij hawm kuv tshaj tawm txog qhov xwm txheej kub ntxhov ceev no, twb muaj 14 leeg raug kuaj pom los sis raug lees tias kis tus mob no rau hauv Oregon lawm. Los txog thaum lub Peb Hlis Ntuj 12, 2020, twb muaj txog 21 leeg lawm. Los txog rau hnub no, muaj tsawg kawg 75 leeg kis tus mob thiab tuag peb leeg lawm.

Cov neeg nyob hauv Oregon yeej nce raws li cov tsev kawm ntawv theem siab thiab cov tsev kawm ntawv qeb siab txhawm rau kev tiv thaiv kom zoo tshaj plaws rau kev noj qab haus huv ntawm pej xeev sawd daws, suav txog ntau txhiab tus me nyuam kawm ntawv uas yuav kawm tiav rau Lub Caij Nplood Ntoos Hlav 2020 no.

Cov tsev kawm ntawv theem siab thiab qeb siab hauv Oregon tseem muab kev qhia ntawv mus ntxiv rau cov me nyuam kawm ntawv raws li qhov kev kawm ntawv sib nrug deb thiab kawm raws hauv online.

Ntau cov tsev kawm theem siab thiab qeb siab hauv Oregon pab vaj tse nyob, khoom noj, kev saib xyuas mob nkeeg, thiab lwm cov kev pab cuam rau cov me nyuam kawm ntawv uas tsis muaj los sis tsis muaj lwm txoj hau kev tau txais cov kev pab cuam no, suav txog cov me nyuam kawm ntawv neeg txawv teb chaws thiab cov hluas uas raug koj los tu.

Yuav tau koj raws li cov tswv yim tiv thaiv tus kab mob COVID-19 uas raug qhuab qhia los ntawm lub chaw CDC, thiaj li yuav pab txo kev sib kis ntawm tus kab mob mus tau qeeb, thiab yuav tiv thaiv cov neeg nyob hauv Oregon uas muaj pheej hmoo kis tus kab mob tau zoo, kuv pom tias yuav tau nqis tes siv cov cai txo kev qhia ntawv tim ntsej tim muag rau ntawm cov tsev kawm ntawv theem siab thiab qeb siab hauv Oregon.

**YOG LI NTAWD TAM SIM NO THIAJ TAU SAU DAIM NTAWV TSHAJ
TAWM KOM UA RAW S:**



DAIM NTAWV TSHAJ TAWM KOM UA RAW S TUS NAB NPAWB. 20-09 NPLOOJ NTAWV PEB

1. Rau lub hom phiaj ntawm Daim Ntawv Tshaj Tawm Kom Ua Raws no, “cov tsev kawm ntawv them siab thiab qeb siab” suav txog cov tsev kawm ntawv qeb siab ntawm tsoom fwv raws li muaj npe nyob hauv ORS 352.002, ib lub tsev kawm ntawv them siab hauv lub zos uas ua hauj lwm raws li txoj cai ORS tshooj 341, thiab cov tsev kawm ntawv them siab thiab qeb siab uas tsis yog tsoom fwv li nyob hauv Oregon.
2. Yuav ua raws li kuv qhov muaj cai hauv txoj cai ORS 433.441(3)(a) thiab (d), ORS 401.175(1), thiab ORS 401.188(2) thiab (3), tau hais kom cov tsev kawm ntawv them siab thiab qeb siab txwv tsis txhob qhia ntawv tim ntsej tim muag rau hauv chav kawm, chav sim, thiab lwm chav kawm txij thaum lub Peb Hlis Ntuj 21, 2020, mus txog rau lub Plaub Hlis Ntuj 28, 2020 (“lub sij hawm tseem siv tau”), tshwj tsis yog Tus Tswv Xeev tau muab lub sij hawm ntxiv los sis tau hais kom tso tseg ua ntej.
3. Cov tsev kawm ntawv them siab thiab qeb siab uas raug zam los ntawm koog lus 2 ntawm Daim Ntawv Tshaj Tawm Kom Ua Raws no rau kis muab kev qhia ntawv, kev sim, los sis lwm yam kev qhia ntawv tim ntsej tim muag rau hom kawm uas yuav tsum tau kawm kom tiav daim ntawv ua pov thawj, daim ntawv tso cai, los sis daim ntawv ua pov thawj kawm tiav txog fab saib xyuas mob nkeeg, los sis lwm daim ntawv ua pov thawj, lwm daim ntawv tso cai, los sis lwm daim ntawv ua pov thawj kawm tiav uas tsim nyog siv los saib xyuas thiab pab thawb rau qhov xwm txheej kub ntxhov ceev, rau kis tsis muaj kev xaiv kawm sib nrug deb los sis kawm raws hauv online tau. Thaum tso cai qhia ntawv tim ntsej tim muag raws li nqe lus no lawm, cov tsev kawm ntawv them siab thiab qeb siab yuav tsum siv cov cai nyob kom sib nrug deb, coj raws li cov lus qhia los ntawm Oregon Health Authority.
4. Thaum lub sij hawm tseem siv tau no, cov tsev kawm ntawv them siab thiab qeb siab tsuas pub mus ua qee cov hauj lwm tseem ceeb rau hauv lub chaw kawm ntawv xwb thiab yuav tau siv cov cai nyob kom sib nrug deb, coj raws li cov lus qhia los ntawm Oregon Health Authority, rau txhua cov neeg ua hauj lwm thiab cov neeg nyob hauv lub chaw tsev kawm qeb siab. Cov hauj lwm tseem ceeb no muaj xws li, kev ua hauj lwm ntawm cov tsev so hauv tsev kawm ntawv, kev saib xyuas hauv chav noj mov, kev saib xyuas lwm yam, kev saib xyuas kev nyab xeeb, cov chaw zov me nyuam, kev tshawb fawb, cov chaw kuaj mob, thiab lwm cov hauj lwm tseem ceeb rau kev tiv thaiv thiab pab txhawb rau qhov xwm txheej kub ntxhov ceev.

Tsev Hauj Lwm ntawm Tus Tswv Xeev Xeev Oregon



5. Pawg Kws Ua Hauj Lwm Rau Kev Kawm Qeb Siab (Higher Education Coordinating Commission) yuav tau muab kev qhia ntxiv rau cov tsev kawm ntawv ntawm theem siab thiab qeb siab txog cov ntaub ntawv hais rau hauv koog lus 1–4 ntawm Daim Ntawv Tshaj Tawm Kom Ua Raws no raws li qhov tsim nyog.

Daim Ntawv Tshaj Tawm Kom Ua Raws no raug tsim raws qhov muaj cai ntawm Tus Tswv Xeev los ntawm txoj cai ORS 401.165 mus txog 401.236. Yuav ua raws li txoj cai ORS 401.192(1), yuav tsum yuam siv cov ntaub ntawv hais tseg rau hauv Daim Ntawv Tshaj Tawm Kom Ua Raws no thiab siv tau rau txoj cai, thiab cov cai tam sim no, cov cai qub, cov cai kav thiab cov ntawv txib uas yog cov siv tsis tau rau yam ua tsis raws li cov lus qhia saib xyuas xwm txheej kub ntxhov ceev los ntawm Tus Tswv Xeev.

Sau tiav rau ntawm Portland, Oregon hnuv no yog hnuv tim 19 lub Peb Hlis Ntuj, 2020.

Kate Brown
TUS TSWV XEEV

TUS UA POV THAWJ NROG KOS NPE

Bev Clarno
KWS TUAU NTAUB NTAUV NTAUM LUB XEEV